

Қазақстан Республикасы Үкіметінің резервінен қаражат бөлу туралы

Қазақстан Республикасы Үкіметінің Қаулысы 1999 жылғы 16 маусым N 781

Демаркациялық карталардағы белгілерге сәйкес Қазақстан-Қытай мемлекеттік шекарасының желісін сақтау мақсатында Алматы облысындағы шекарадағы Қорғас өзенінде жағалауды бекіту жұмыстарын жүргізу үшін Қазақстан Республикасының Үкіметі қаулы етеді:

1. Қазақстан Республикасы Үкіметінің резервінен Алматы облысының әкіміне шекарадағы Қорғас өзенінің оң жағалауы бойынша шұғыл жағалауды бекіту жұмыстарын жүргізу үшін 20 (жиырма) миллион теңге бөлінсін.

2. Алматы облысының әкімі 1999 жылдың IV тоқсанының қорытындылары

бойынша Қазақстан Республикасының Төтенше жағдайлар жөніндегі агенттігіне орындалған жұмыстардың көлемі мен құны туралы есеп ұсынсын.

3. Қазақстан Республикасының Қаржы министрлігі бөлінген қаражаттың мақсатты пайдаланылуын бақылауды қамтамасыз етсін.

4. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Оқығандар:
Омарбекова А.
Нарбаев Е.